

de Alexandria, responde, che sono zercha mexi 7 che chapittò con ditta nave in Alexandria, che fu al tempo de li garbulgj che fu pigliatta la armada del soldam da quella da Chod. Per ditta chauxa fo tegnuta ditta navè insieme con altre 4 nave et 2 gripj de' christianj, de le qual do in tre sono statte fino a dì 4 april, che 'l ditto costituito se partì d' Alexandria, et altre do, una fo mandatta a Rhodi con duj frattj, chome imbasadori del signor soldam, et l'altra in Pulgia con altri duj fratj imbasadorj, ma non se sa per donde.

Zercha veramente de li consollj et marchadanti arestati hal Chaiero, dize, che fermamente haveva intexo come erano stà lizenziatti; et ultimamente intexe, come che anchora se trovavano in ferrj tutti hal Chaiero, et che li magazenj de' marchadantj de Alexandria se atrovavano bollati, dal qual fo robattj, per zerti turchi galiotti, panj fini schariatti et scharlatini, per gran suma, de li qual se ha rechuperatto zerte parte, et non se sa la qualità, li qual, se diseva, era de sier Alvixe Jocika; et che quando volevano far averzer li ditti magazenj per sborar le sue robe, conveniva dar manzaria 10, over 15, ducati.

Domandatto se per li ditti nostri marchadantj in Alexandria se fano contratti, dize, che non fano molti, salvo qualche chosa ochultamente li, et che le spetie ne era bon marchatto; altro dize non sa, per esser povero mariner.

Domandato da poj el soprascritto marchadante turcho, se l' à nova aliqua de le chose de Choloquitt, dize, che atrovandosi hal Chaiero, za mexi do, veneno lettere hal signor soldam dal signor de Abdem, per le qual se dinotava, chome lo re de Qolochutt et lo re de Tebul hano fatto liga insembre de dover venir per tera sopra el chastello nominatto Chuz, construtto in uno colfo, tra li lochj de li ditti duj re, dove se atrovava barze numero 18 de Portogallo; et *ita* li homeni de le ditte barze dismontorno in dicto chastello, chuzi per difender ditto chastello, qual era stà prexo da quelli de Portogallo; e li ditti re de Choloquitt e de Tebul se hanno intexo con quelli morj, erano in la tera, dove era el dicto chastello, el qual veniva habitatto da quelli de Portogallo, et la tera veniva habitata da' morj, et *ita* apertoli le 107\* porte, li exercitj de li ditti duj re, et intratti in quella tera, hano tolto dicto chastello, et amazati tutti li homeni de' ditti. Dapoi sono stà mandate barche 300 grande, charge de piere, le quale sono stà fondate in bocha del cholfo, in modo che le barze portogallexe non potevano partir, sichè ritornono da quelli morj, domandando lj fosse datto salvocondutto, col

qual conenzo li homeni de ditte barze desmontorno in tera; et *tamen*, non obstante salvocondutto, tutti quei ditti de ditte barze, sono stà talgiatj a pezi da li ditti morj, e le barze restono a' ditti morj.

Domandatto la chauxa de la sua venutta qui, dize, per tempi adversi, et sono partito insieme con altre nostre nave per Constantinopolj.

*Copia de una lettera de missier Domenego Sparlarga, scripta al Chaiero, a dì primo april, ricevuta in Chandia, a dì 9 mazo 1511.* 108

Cercha le chose nostre, che hormai è 6 mexi passadi che siamo in questo fastidio et insolente chargo, cosa in verità che non l'avresimo mai creduto. Queste sono pratiche diaboliche e strane, et chuj crede saperne più, mancho ne intende. Se iudichava, che, al zonzer del consollo de Damascho, dovesemo esser spazati, come non una volta, ma pui e pui ne haveva fato intendere el signor soldam. Zonto fo el dito consollo a l'audienza, a dì XVI fevrer, la qual fu molto rebufatoria, intravegnando le cose di Sofi, dolendosi e lamentandosi el signor soldam, che 'l nostro consollo haveva messo in camino li oratorj de Sofi per Venexia com lettere de raccomandazion, fomo licentiatj et rimandati a casa de Benemusi in Cime, et fino a' dì XXI fevrer, su la praticia del signor d'Alepo, intravignando sier Andrea Morexini, suo faliar amigo, che menava dita praticia, perchè si fazeva indizio, esser liberati per suo mano, et li donavemo fra tuti do i coptimi, ducati do mille, se i ne liberava. E questo è stato cauxa di 101 perturbar pui le cose nostre, ché, senza tal praticia, si averebe fato meglio; ma se 'l dito signor d'Alepo, fosse stà pui presto a domandar al signor soldam, tal fiata havevemo habudo el nostro intento; ma el fo un pocho tardo, si per li maligni Tamgavardin, turcimano nostro, capital inimicho. Per quel che vedo, aldo e sento, non poso dir altramente, el qual è puj del consollo di chaptalani, che non *sum* io da mi medemo. Questo è chauxa per la inimjcia antiga, di la qual non dirò altro per honestae, per non dir brute parole. E poi algune volte el taxer è laudabile, bastamj che chuj lezerà, fursi intenderà quel che voglio insir. Hor per non insir de camino, par che questo Tangavardin parlase con el signor soldam, digandoli, el signor d'Alepo à divulgato per la terra, come, al despecto de la tua barba, el vuol liberar la nation venetiana, con mandar damaschini a Damascho, e alesandrini in Alexandria.